



DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,  
*manè discutienda, in Scholis Medicorum, die Jovis decimâ-tertiâ  
mensis Januarii, anno Domini M. DCC. XLVI.*

M. JOANNE HERMENT, Medico Regis or-  
dinario, Doctore Medico, Præsîde.

*An Opium articulari Rheumatismo ?*

I.



OMPLURES sunt morbi quorum causam penitus  
eradicare frustra tentaveris, nisi prius quædam symp-  
tomata sustuleris. Scilicet illa, dum urgent & perseve-  
rant, aut addunt morbo vires, aut naturæ detrahunt.  
Quapropter celerem, propriamque sæpè, curationem  
expostulant. Neque enim, si tibi cordi est ægrotantium  
salus, utilem adeò necessariamque, in pulmonum affectibus, expe-

A

torationem, ab enormi intempestivâque Diarrhœâ disturbari sines. Nec erumpentibus variolis pestiferam infensissimamque hæmorrhagiam cohibere cunctaberis. Nec demum, in quolibet morbo, nimias aut diuturniores egestionem sistere, non curabis. At quantum periculi secum afferunt, dum exolvunt vires & corpus infirmant, illæ symptomaticæ evacuationes; tantum dolor, dum morbi causam intendit, diuturnitatis præfagit & contumaciæ. Igitur, in curatione symptomatum, retinendo quæ nimium fluunt, periculum declinabis; dolorem mitigando, ea removebis quibus exasperatur protrahiturque morbus. Quamvis autem illa symptomata per se, ut aiunt, curari, non raro desiderent; cave tamen ne, dum propriam symptomati Medicinam asserre meditaris, concitando aut renovando morbi fomiti, quid agas aptissimum.

## I I.

**H**UNC vitabis scopulum, si tibi perspectum fuerit, quamnam sit causa morbi, quamnam illius indoles, quamnam, illo durante, humorum crasis, qui solidorum status, quo demum ille modo solvi soleat & judicari. His enim instructus, morborum medicatricem naturam non inturbabis, sed juvabis; symptomatumque violentiam repelles armis victricibus. In Phlegmone, Pleuritide, Nephritide, quamvis eadem sit doloris sedandi necessitas, eadem ferè Phlogosis ardeat humorum, eodemque membranaceæ partes rigescant crethismo; non eadem tamen huic oppones symptomati, quæ prosperè, in articulari Rheumatismo, usurpabis. Hujus discriminis causam quaeris? Perpende quis debeat esse Phlegmones exitus, quæ concomitari soleant Pleuritidem excretionem salubres, quam funestum sit in Nephritide urinæ exclusionem præpedire. Tunc, in iis morbis, diluentibus, demulcentibus, oleosis, aliisque relaxantibus dolori medeberis; dum, in articulari Rheumatismo, illud idem symptoma utiliter Opio profligabis.

## I I I.

**S**EDE, materiæ similitudine, cruciatuum acerbitate, congener Arthritidi morbus Rheumatismus articularis est. Tument rubentque, ut in Arthritide, partes quas obsidet. Ut illa, quemdam circuitum affectat fugaci per articulos itu & reditu. Par, in utroque morbo, à deviâ & in viscera irruente materiâ, pernicies. Hunc affectum anteit & assiduè comitatur acuta febris. Unde faciliè Rheumatismum articulare ab Arthritide discriminabis. Hujus morbi si causas antecedentes respicis, fervidam acremque sanguinis diathesim, & corpori, post vehemens aliquod exercitium, subito admissum frui-

gus procul dubio reperies. Si causam proximam sciscitaris? Reper-  
eussam à perspirationis viis, mox refutam in sanguinem, dein articu-  
lorum membranis impactam acrioris lymphæ portionem, accusamus.  
Si naturam consideras? inflammationem declarabunt pulsûs durities  
& frequentia, sanguinis coriaceam duritiem æmulantis qualitas, cor-  
pus depascens calor, dolentium articulorum tumor ruborque. Si de-  
nique, ad ægotantis commodum, quæ judicatio conveniat? Hærentis  
materiæ, membranarumque sensûs exquisitissimi vascula distendentis  
resolutionem, respondemus. Huc itaque spectare debet omnis cura  
medentis & sollicitudo.

## I V.

**A**GEDUM: urgentioribus indicationibus satis fecisti, largâ ve-  
næ sectione vasa deplevisti, sanguinis ardorem fero lactis, emul-  
sionibus, aliisque diluentibus restinxisti, humorum redundantiam blandis  
catharticis emendasti. Materiæ perspirationem, fomentis; balneis,  
cataplasmatibus, provocasti. At nihilominus, quamvis remissior, viget  
febris, nihilominus excruciat dolor modò plures simul, modò unum  
articulum, invadens. Quid ultrâ tentabis, ut tandem morbi causam  
amoliaris? Illiusne exterminationem committes sudoriferis? At illa  
Rheumatismi materiem non expedient, sed magis intricabunt. Per-  
severante siquidem dolore, ideoque tensis, ultrâ naturæ tonum, fibris  
membranosis, lymphæ mordacis dilutiores aquosioresque partes discen-  
tient Hidrotica, corpulentiores relinquent, quas aggregabunt aggre-  
gatasque cogent crebriores violentioresque, permanente dolore, vi-  
cinarum partium oscillationes. Unde causam mali renovabis, aut,  
quod æque miserum est, tophis, nodis, aut anchylosi contrahentur &  
ferruminabuntur articuli. An igitur, repudiatis sudoriferis, ad demul-  
cendos humores, dolorisque parentem nervosarum partium distensio-  
nem relaxandam, lactis diætam imperabis. At, ni dolor febrisque re-  
miserint, periculum est ne visceribus illuviem, corpori venenum non  
alimentum, simul cum lacte ingeras. Hanc malorum seriem antever-  
tes, si dolorem Opio sedaveris.

## V.

**Q**UI Opium, ad inducendum soporem, tantummodo adhibet.  
ille sæpe sæpius naturæ nifus infirmat, morboque, in pejus po-  
steâ ruituro, larvam, non medicamentum, obijcit: qui verò probè in-  
tellectâ illius, in attenuando, virtute, pretiosi hujus remedii dosim ita  
temperare novit, ut, evanescente dolore, morbi fomes aut minuatur,  
aut facilius suffocetur, ille naturæ motus adjuvat & medicinæ locum facit.  
Ne dubites ergo, in articulari Rheumatismo, doloris contumaciam

Opio frangere. Optimo remedio causam simul, & atrocissimum symptoma fugabis. Exiguâ, sed repetitâ, Opii dosi, relaxabitur membrarum strictior compages, dum solvetur & extenuabitur viscidâ & hinc & illinc projectâ Rheumaticâ materiâ infarctus. Sic quæ, dolentibus, proindequæ nimium tensis, fibris, concreverat in articulorum ligamentis, ob viarum angustias, lymphæ tenax, à subtilissimis perniciosissimisque Opii particulis facta fluidior & obsequens, per apertos jam laxarum viarum meatus facili negotio diducetur. Sic temperatis, benefico Opii vapore, pacatisque solidarum partium oscillationibus, liberiorique pede per vasa decurrentibus succis, brevî febris exulabit. Tunc, tutissimè, si quæ sint, morbi reliquias, aut blandâ catharsi subduces, aut, prout opportunum videbitur, sudoriferis amovebis. Tunc licebit è vaccarum uberibus pabulum ducere, quod humorum acrimoniam deliniat, corpusque confectum morbo sævisque fractum doloribus resarciat.

*Ergò Opium articulari Rheumatismo,*

## DOMINI DOCTORES DISPUTATURI.

*M. Laurentius Ferret,*

*M. Michael Philippus Bouvart,  
è Regiâ Scientiarum Academiâ,  
& Scholarum Professor designatus.*

*M. Philippus-Davies de Breville,  
Dotarie hispaniarum Regiæ,  
dum viveret, Medicus ordinarius.*

*M. Joannes Midy.*

*M. Michael-Josephus Mojaull.  
M. Antonius Ferrein, è Regiâ  
Scientiarum Academiâ, Professor  
Regius & viriisque Pharmacie Professor designatus.*

*M. Guillelmus de Magny.  
M. Gabriel-Antonius Jacques.*

*M. Joannes-Jacobus Bellefeste,  
Chirurgiæ Professor designatus.*

Proponerat Parisiis, FLORENTIUS-CAROLUS BELLOT, Abbavillæus;  
Saluberrimæ Facultatis Medicinæ Parisiensis Baccalaureus, A. R. S. H.

1746, à sextâ ad meridiem.